

7. Die Welt erzittert ob dem Todt/
Wenn einer ligt in der letzten Noth/
Denn will er gleich fromb werden/
Einer schafft diß/der ander das/
Seiner armen Seel er ganz vergaß/
Dieweil er lebt auff Erden.

8. Vnd wenn er nitimmer leben mag/
So hebt er an ein grosse Klag/
Will sich erst GOTT ergeben/
Ich fürcht fürwaar die Göttlich Gnad/
Die er allzeit verspottet hat/
Werd schwerlich ob ihm schweben.

9. Ein Reichen hilfft doch nicht sein Gut/
Den Jungen nicht sein stolzer Muth/
Er muß auß diesem Meyen
Wenn einer hätt die ganze Welt/
Silber vnd Gold/vnd alles Geld/
Noch muß er an den Reyen.

10. Den Glehrte hilfft doch nit sein Kunst/
Der Weltlich Pracht ist gar vmbsonst/
Wir müssen alle sterben/
Wer sich in Christo nicht erzeit/
Weil er noch lebt in Gnaden zeit/
Ewig muß er verderben.

11. Höret vnd mercket ihr lieben Kind/
Die jezund GOTT ergeben sind/
Lasset euch die Müß nicht rewen/
Halt stets am heiligen Gottes Wort/
Das ist ewr Trost vnd höchster Hort/
GOTT wird euch schon erfreuen.

12. Nicht übel ihr vmb übel gebt/
Schawet daß ihr hie vnschuldig lebt/
Lasset euch die Welt nit affen/
Gebt GOTT die Rach vnd alle Ehr/
Den engen Steig geht immer her/
GOTT wird die Welt schon straffen.

13. Wenn es gieng nach des fleisches muth/
In Gunst vnd gund mit grossem Gut/
Wüß ihr gar bald erkalten/
Darumb schickt GOTT die Trübsal her/
Damit ewr Fleisch gezüchtigt werd/
Zur ewigen Frewd erhalten.

14. Ist euch das Creuz bitter vnd schwer/
Gedenckt wie heiß die Hölle wer/
Darein die Welt thut rennen/
Mit Leib vnd Seel muß leyden seyn/
Ohn vnterlaß die ewig Pein/
Vnd mag doch nit verbrennen.

15. Ihr aber werd nach dieser Zeit/
Mit Christo haben ewig Frewd/
Dahin solt ihr gedencken/
Es lebt kein Mann der außsprechn kan/
Die Glori vnd den ewigen Lohn/
Den euch der HER wird schencken.

16. Vnd was der ewig gütig GOTT/
In seinem Geist versprochen hat/
Geschworn bey seinem Namen/
Das hält vnd gibt Er gwiß fürwaar/
Der helffris an der Engel Schar/
Durch IESUM Christum/Amen.

EE